

Duchowny, do swjeho noweho zastojnstwa zapokazany, nětko na wołtař stupiwši wotspěwa (na njón wobročeny): „Česć budź Bohu we wysokosći“, na což Boža služba tak dale dze, zo po wuspěwanju přenjeje štučki khěrluša: „Budź khwalba Bohu samemu“ a t. d. wučitanje njedzelskeho scěnja, wuspěwanje hłowneho khěrluša a nastupne předowanje noweho duchowneho scěhuje.

## VIII.

## Zapokazanje cyrkwinych prjódkstejerjow.

Zapokazanje cyrkwinych prjódkstejerjow stanje so njedzelu při dopołdnišej Božej službje před zhromadženej wosadu po předowanju a po modlenju na klětcy. Bjez spěwanjom přihódneje štučki farař na wołtař stupi, před kotryž so wuzwoleni mužojo zestupaja. Farař praji:

Hnada budź z wami a měr wot Boha, našeho Wótca, a našeho Knjeza Jezom Khrysta. Hamjeń.

Lubowani w tym Knjezu, tudy nowi cyrkwini prjódkstejerjo našeje wosady, po wustajenju našeje ewangelsko-lutherskeje krajneje cyrkwe wuzwoleni, steja, zo bych jich džensa do jich služby zapokazał.